

## Забидий / ВАҲИЙНИНГ БОШЛАНИШИ КИТОБИ / 531-ҳадис

531/990 - عَنْ ابْنِ عُمَرَ رَضِيَ اللَّهُ عَنْهُمَا أَنَّ رَجُلًا سَأَلَ رَسُولَ اللَّهِ صَلَّى اللَّهُ عَلَيْهِ وَسَلَّمَ عَنْ صَلَاةِ اللَّيْلِ، فَقَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «صَلَاةُ اللَّيْلِ مَثْنَى مَثْنَى، فَإِذَا حَشِي أَحْكُمُ الصُّبْحِ صَلَّى كُرْعَةً وَاحِدَةً، تُؤْتِرُ لَهُ مَا قَدْ صَلَّى».

531.990 Ибн Умар розияллоху анхумодан ривоят қилинади:

«Бир киши Расулуллоҳ соллаллоху алайҳи васалламдан тунги намоз ҳақида сўради. Шунда Расулуллоҳ соллаллоху алайҳи васаллам: **«Тунги намоз икки (ракат)-икки(ракат)дан бўлади. Бирортангиз тонг отиб қолишидан кўрқса, бир ракат ўқийди. Шу унинг ўқиган намозларини витр (тоқ) қилади»**, дедилар».

**Изоҳ:** Ҳанафий мазҳаби бўйича витр намозида уч ракат ўқиб, бир салом берилади, яъни бошқа мазҳаблардаги каби аввалги икки ракатдан кейин салом берилиб, кейинги бир ракатнинг ўзи қўшиб, витр қилинмайди ёки бир ракатнинг ўзи алоҳида витр намози дейилмайди. Ҳанафий мазҳаби уламолари витр намози тўғрисида келган ҳадисларни жамлаб, бир-бирига солиштиргандан кейин шу хулосага келишган. Имом Таҳовий қилган ривоятда Умар ибн Абдулазиз фуқаҳоларнинг гапи билан Мадинада витрнинг бир салом билан уч ракат ўқилишини йўлга қўйган. Ҳанафийлардан бошқа мазҳабларда ҳам «Витр намози бир салом билан уч ракат ўқилади», деганлар кўпчиликини ташкил қилади («Шарҳу Маонил Осор», «Ломиъуд Дарорий ʼала Жомиъил Бухорий»).

Манба: [hadis.islom.uz](http://hadis.islom.uz)



HADIS.ISLOM.UZ  
HUBUVVAT MARVARIDLARI

